



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration
Operational Center

Broj: 22-04-44-1-58/19
Sarajevo, 28.02.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 07:00 sati 27.02.2019. do 07:00 sati 28.02.2019. godine

U izvještajnom periodu Kantonalni operativni centar civilne zaštite primio je tri informacije o pronalasku NUS-a, i to:

- dana 27.02.2019. godine, u 09:18 sati, od građanina, da je u ulici Ali-bega Firdusa br.3 (Općina Novi Grad) pronađena jedna granata,

- dana 27.02.2019. godine, u 10:10 sati, od Službe civilne zaštite općine Hadžići, da je u krugu bivše kasarne Žunovnica pronađen nepoznati NUS,

- dana 27.02.2019. godine, u 10:15 sati, od građanina, da je u Ulici 13. juni br.14 (Općina Ilidža) pronađena jedna ručna bomba.

O primljenim informacijama obaviješteni su pripadnici Tima za UES Federalne uprave civilne zaštite, koji su preuzeli i zbrinuli pronađena ubojna sredstva.



Profesionalna vatrogasna jedinica Kantonalne uprave civilne zaštite Kantona Sarajevo: U izvještajnom periodu pripadnici Profesionalne vatrogasne jedinice imali su 12 manjih intervencija i to: sedam intervencija na gašenju trave i niskog rastinja, jednu na gašenju dimnjaka na kući, jednu na gašenju smeća u kontejneru, jednu intervenciju na gašenju automobila, jednu tehničku intervenciju na uklanjanju dijela stabla i jednu intervenciju na obezbjeđenju sportskog događaja (fudbalska utakmica).

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila -2°C, vlažnost zraka 83%, barometarski pritisak 949 hPa.

BIHAMK: Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

- Zbog održavanja svečanog defilea učenika osnovnih i srednjih škola iz Hadžića, Tarčina i Pazarića povodom Dana nezavisnosti BiH i dana Općine Hadžići, danas od 10 do 10:30 sati obustavlja se saobraćaj u ulicama : 6.mart, Zlatnih ljiljana i Hadželi.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski i željeznički saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1